

欽定四庫全書

子部
本草綱目卷十七上



詳校官太醫院醫官臣姜晟

編修臣倉聖脈覆勘

欽定四庫全書

本草綱目卷十七

草之六

毒草類四十七種

大黃

本經

商陸

本經

狼毒

本經

防葵

本經

狼牙

本經

蘭茹

本經

大戟

本經

澤漆

本經

甘遂

本經

續隨子

開寶

葭蓉

本經即
天仙子

雲實

本經

蓖麻

唐本博
落迴附

常山蜀漆

本經 吐莖山
土紅山附

藜蘆

本經 果根
山慈石 參
馬腸根附

木藜蘆

拾遺

附子

本經

已上卷十七上

天雄

本經

側子

別錄

漏籃子

綱目

烏頭 本經

白附子 別錄

虎掌天南星 本經

由跋 本經

蒟弱 開寶 菩薩草附 苦

半夏 本經

蚤休 本經

鬼臼 本經

射干 本經

鳶尾 本經

玉簪 綱目

鳳仙 綱目

坐拏草 圖經 押
不蘆附

曼陀羅花 綱目

羊躑躅 本經
山躑躅
羊不啮草附

芫花 本經

蕘花 本經

醉魚草 綱目

莽草 本經

茵陳 本經

石龍芮 本經 即胡椒菜

毛茛 拾遺 每蘆附

牛扁 本經 風 建草附

葶麻 圖經

格注草

唐本

海芋

綱目
遠
山根附

鉤吻

本經

已上卷十七下

右附方舊一百三十四新四百九十五

本草綱目卷十七目錄

欽定四庫全書

本草綱目卷十七上

草之六毒草類一

大黃

本經下品

釋名黃良

本經將軍

當火參

吳普

膚如

吳普弘景曰大黃其色也將軍之號

富取其駿快也果曰推陳致新如戡定禍亂以致太平所以有將軍之號

集解

別錄曰大黃生河西山谷及隴西二月八月采根火乾普曰生蜀郡北郡或隴西二月卷生黃

明李時珍撰

赤其葉四四相當莖高三尺許三月花黃五月實黑
八月采根根有黃汁切片陰乾弘景曰今采益州北
部汶山及西山者雖非河西隴西好者猶作紫地錦
色味甚苦濇色至濃黑西川陰乾者勝北部日乾亦
有火乾者皮小焦不如西耐蛙堪久此藥至勁利粗
者便不中服恭曰葉子莖並侶羊蹄但莖高六七尺
而脆味酸堪生啖葉粗長而厚根紅者亦侶羊蹄
大者乃如盂長二尺其性濕潤而易蛙壞火乾乃佳
作時燒石使熱橫寸截著石上煨之一日微燥以繩
穿眼乾今出宕州涼州西羌蜀地者皆佳幽并以北
者漸細氣力不及蜀中者陶言蜀地不及隴西誤矣
藏器曰凡用當分別之若取和厚深沈能攻病者可
用蜀中侶牛舌片緊硬者若取瀉洩駿快推陳去熱
者當取河西錦文者頌曰今蜀川河東陝西州郡皆
有之以蜀川錦文者佳其次秦隴來者謂之土菴大
黃正月內生青葉侶蓖麻大者如扇根如芋大者如

盤長一二尺其細根如牛蒡小者亦如芋四月開黃
花亦有青紅侶蕎麥花者莖青紫色形如竹二八月
采根去黑皮切作橫片火乾蜀大黃乃作緊片如牛
舌形謂之牛舌大黃二者功用相等江淮出者曰土
大黃二月開花結細實時珍曰宋祁益州方物圖言
蜀大山中多有之赤莖大葉根巨若盤藥市以大者
為枕紫地錦文也今人以莊浪出者為
最莊浪即古涇原隴西地與別錄相合

正誤

頌曰鼎州出一種羊蹄大黃治疥癢甚效初生
苗葉累年長大即葉侶商陸而狹尖四月內抽

條出穗五七莖相合花葉同色結實如蕎麥而輕小
五月熟即黃色呼為金蕎麥三月采苗五月采實陰
乾九月采根破之亦有錦文亦呼為土大黃時珍曰
蘇說即老羊蹄根也因其侶大黃故謂之羊蹄大黃
實非一類又一種酸模乃山大黃也狀侶羊蹄而
生山上所謂土大黃或指此非羊蹄也俱見本條

根修治

雷曰凡使細切以丈如水旋斑緊重者剉片蒸之從已至未晒乾又洒臘水蒸之從未至

亥如此凡七次晒乾却洒淡蜜水再蒸一伏時其大黃必如烏膏樣乃晒乾用藏器曰凡用有蒸有生有熟不得一槩用之承曰大黃采時皆以火石煨乾貨賣更無生者用之亦不須更多炮炙蒸煮

氣味苦寒無毒

別錄曰大寒普曰神農雷公苦有毒扁鵲苦無毒李當之大寒元素曰味

苦氣寒氣味俱厚沈而降陰也用之須酒浸煨熟者寒因熟用酒浸入太陽經酒洗入陽明經餘經不用酒果曰大黃苦峻下走用之于下必生用若邪氣在上非酒不至必用酒浸引上至高之分驅熱而下如物在高巔必射以取之也若用生者則遺至高之邪熱是以愈後或目赤或喉痺或頭腫或膈上熱疾生也時珍曰凡病在氣分及胃寒血虛并姪娠產後並勿輕用其性苦寒能傷元氣耗陰血故也之才曰黃

芩為之使無所畏權
曰忌冷水惡乾漆

主治下瘀血血閉寒熱破癥瘕

積聚留飲宿食蕩滌腸胃推陳致新通利水穀調中

化食安和五臟

本經

平胃下氣除痰實腸間結熱心腹

脹滿女子寒血閉脹小腹痛諸老血留結

別錄

通女子

經候利水腫利大小腸貼熱腫毒小兒寒熱時疾煩

熱蝕膿

甄權

通宣一切氣調血脈利關節泄壅滯水氣

溫瘴熱瘧

大明

瀉諸實熱不通除下焦濕熱消宿食瀉

心下痞滿

元素

下痢赤白裏急腹痛小便淋瀝實熱燥

結潮熱譫語黃疸諸火瘡

時珍

發明

之才曰得芍藥黃芩牡蠣細辛茯苓療驚恚怒心下悸氣得消石紫石英桃仁療女子血閉宗

與曰張仲景治心氣不足吐血衄血瀉心湯用大黃黃芩黃連或曰心氣既不足而不用補心湯更用瀉心何也答曰若心氣獨不足則當不吐衄也此乃邪熱因不足而客之故令吐衄以苦泄其熱以苦補其心蓋一舉而兩得之有是證者用之無不效惟在量其虛實而已震亨曰大黃苦寒善泄仲景用之瀉心湯者正因少陰經不足本經之陽亢甚無輔以致陰血妄行飛越故用大黃瀉去亢甚之火使之平和則血歸經而自安夫心之陰氣不足非一日矣肺與肝俱各受火而病作故黃芩救肺黃連救肝肺者陰之主肝者心之母血之合也肝肺之火既退則陰血復其舊矣寇氏不明說而云邪熱客之何以明仲景之

意而開悟後人也時珍曰大黃乃足太陰手足陽明
手足厥陰五經血分之藥凡病在五經血分者宜用
之若在氣分用之是謂誅伐無過矣瀉心湯治心氣
不足吐衄血者乃真心之氣不足而手足厥陰心包
絡足厥陰肝足太陰脾足陽明胃之邪火有餘也雖
曰瀉心實瀉四經血中之伏火也又仲景治心下痞
滿按之軟者用大黃黃連瀉心湯主之此亦瀉脾胃
之濕熱非瀉心也病發于陰而反下之則作痞滿乃
寒傷營血邪氣乘虛結于上焦胃之上脘在于心故
曰瀉心實瀉脾也素問云太陰所致為痞滿又云濁
氣在上則生膈脹是矣病發於陽而反下之則成結
胸乃熱邪陷入血分亦在上脘分野仲景大陷胸湯
丸皆用大黃亦瀉脾胃血分之邪而降其濁氣也若
結胸在氣分則只用小陷胸湯痞滿在氣分則用半
夏瀉心湯矣成無已註釋傷寒論亦不知分別此義
成無已曰熱淫所勝以苦泄之大黃之苦以蕩滌瘀